



საქმე 3ბ/51-08წ.

თბილისის სააკადაციო სასამართლო განჩინება

საქართველოს სახელით

30 მაისი, 2011 წელი

ქ. თბილისი

ადმინისტრაციულ საქმეთა პალატის
მოსამართლე – ნათია ქუთათელაძე

აპელანტი – ტარიელ წითლაური

მოწინააღმდეგე მხარე – საქართველოს ფინანსთა სამინისტრო

დავის საგანი – კანონისმიერი ვალდებულების შესრულება, ინდივიდუალური
ადმინისტრაციულ-სამართლებრივი აქტის ბათილად ცნობა

გასაჩივრებული გადაწყვეტილება – თბილისის საქალაქო სასამართლოს
ადმინისტრაციულ საქმეთა კოლეგიის 2007 წლის 27 ნოემბრის
გადაწყვეტილება

ზეპირი მოსმენის გარეშე განიხილა აპელანტის – ტარიელ წითლაურის
ოჯახის წევრების მიმართ საჯარო შეტყობინების შესახებ საკითხი და

გ ა მ ო ა რ პ ვ ი ბ:

თბილისის საქალაქო სასამართლოს ადმინისტრაციულ საქმეთა კოლეგიის
2007 წლის 27 ნოემბრის გადაწყვეტილებით ტარიელ წითლაურის, პაატა
ზაქარეიშვილის, ნინო რეზვიაშვილის, როინ ბაქრაძის, მარინე ჩინჩალაძის, ანა
გელაშვილის, ნინო ვარამაშვილის, თენგიზ გოგიშვილის, ვასილ
სიხარულიძის, მაია ხარატიძის, ციური მაისურაძის, მადონა ჯიქიას,
ვლადიმერ დავითურის, მარინე ბოჭორიშვილის, მაყვალა რეზვიაშვილის და
ალექო ლეკეიშვილის სარჩელი არ დაკმაყოფილდა.

ზემოაღნიშნული გადაწყვეტილება სააპელაციო საჩივრით გაასაჩივრეს
ტარიელ წითლაურმა, პაატა ზაქარეიშვილმა, ნინო რეზვიაშვილმა, როინ
ბაქრაძემ, მარინე ჩინჩალაძემ, ანა გელაშვილმა, ნინო ვარამაშვილმა, თენგიზ

გოგიშვილმა, ვასილ სიხარულიძემ, მაია ხარატიძემ, ციური მაისურაძემ, მადონა ჯიქიამ, ვლადიმერ დავითურმა, მარინე ბოჭორიშვილმა, მაყვალა რეზვიაშვილმა და ალექს ლექეიშვილმა და მოითხოვეს გასაჩივრებული გადაწყვეტილების გაუქმება და ახალი გადაწყვეტილების მიღებით სასარჩელო მოთხოვნის დაკმაყოფილება.

თბილისის სააპელაციო სასამართლოს ადმინისტრაციულ საქმეთა პალატის 2009 წლის 26 მარტის საოქმო განჩინებით ადმინისტრაციულ საქმეს 3ბ/51-08-ს გამოეყო მოსარჩელე ტარიელ წითლაურის სარჩელი მოპასუხე საქართველოს ფინანსთა სამინისტროს მიმართ და შეჩერდა საქმის წარმოება ტარიელ წითლაურს გარდაცვალების გამო.

თბილისის სააპელაციო სასამართლოს ადმინისტრაციულ საქმეთა პალატის 2011 წლის 20 მაისის განჩინებით ადმინისტრაციულ საქმეზე 3ბ/51-08 ტარიელ წითლაურის სააპელაციო საჩივარზე განახლდა საქმის წარმოება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიიჩნევს, რომ ვინაიდან აპელანტის ოჯახის წევრების ადგილსამყოფელი უცნობია და მათთვის სასამართლო უწყების ჩაბარება სხვაგვარად ვერ ხერხდება, მიზანშეწონილია – ტარიელ წითლაურის ოჯახის წევრებს საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან აპელანტის ოჯახის 2

წევრების ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, ტარიელ წითლაურის ოჯახის წევრებს საქმის ზეპირი მოსმენის თაობაზე უცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით და

დ ა ა დ ბ ი ნ ა:

1. ადმინისტრაციულ საქმეზე №3/ბ-51-08 სააპელაციო საჩივრის ავტორი: ტარიელ წითლაური, მოწინააღმდეგე მხარე: საქართველოს თავდაცვის სამინისტრო, დავის საგანი: კანონისმიერი ვალდებულების შესრულება, ინდივიდუალური ადმინისტრაციულ-სამართლებრივი აქტის ბათილად ცნობა, ტარიელ წითლაურის ოჯახის წევრებს საქმის ზეპირი მოსმენის შესახებ უცნობოს საჯარო შეტყობინების გზით. სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).
2. თბილისის სააპელაციო სასამართლოს ადმინისტრაციულ საქმეთა პალატაში (მდებარე: ქ. თბილისი, გრიგოლ რობაქიძის 7ა) 2011 წლის 7 ივნისს 12:45 საათზე ზეპირი მოსმენით განიხილება ტარიელ წითლაურის სააპელაციო საჩივრი.
3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებგვერდზე განთავსებიდან მე-7 დღეს.
4. ტარიელ წითლაურის ოჯახის წევრები გაფრთხილებულ იქნას, რომ სასამართლო (მოსამართლე) უფლებამოსილია, მხარის არასაპატიო მიზეზით გამოუცხადებლობის შემთხვევაში მის დაუსწრებლად გამოიტანოს გადაწყვეტილება საქმეში არსებული მასალების საფუძველზე და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით.
5. განჩინება არ საჩივრდება.

მოსამართლე

ნათია ქუთათელაძე